

白氏文集

十五

抱經堂不為
五十二



白氏文集卷第三十

六賜蓋文庫



中書制誥六 新體 凡四十八首

鎮州軍將主怡判官李序先被賊中誅

因並死各贈官及優卹子孫制

武寧軍陣亡大將軍李自明贈濠州刺

史制

裴弘泰可太府少卿知左藏庫出納制

李昌元可兼御史大夫制

田頴可亳州刺史制

薛伯高等亡母追贈郡夫人制

李佑授晉州刺史制

武寧軍將王昌涉等授官制

馬摠亡祖母韋氏贈夫人制

路貫等授桂州判官制

駙馬都尉鄭何除右衛將軍制

封太和長公主制

宋朝榮加常侍制

贈陣亡軍將等刺史制

諸道軍將等授官制

裴度韓弘等名賜一子官并迴授姪女

壻等制

入迴紇使下軍將官吏夏仕戡等四十

人授卿監賓客諮議衛佐同制

盧昂可監察御史裏行知轉運永豐院

制

張惟素亡祖紘贈戶部郎中制

興州刺史鄭公逵授王府長史李循授

興州刺史同制

權知陵州刺史李正卿正除刺史制

知渭橋院官蘇洵授員外郎依前職前

進士王績授校書郎江西巡官制

湖南都押衙監察御史王瓘可郴州司

馬依舊職制

安南告捷軍將黃士儵授銀青光祿大

夫試殿中監制

王鎰可刑部員外郎制

京兆府司錄參軍孫簡可檢校禮部員

外郎荆南節度判官浙東判官試大

理評事韓欣可殿中侍御史巡官試

正字朝朴可試協律郎充推官同制

冀州奏事官田練可冀州司馬兼殿中

侍御史同制

薛常翮可荊州刺史本州團練制

牛元翼可檢校左散騎常侍深州刺史

御史大夫制

王衆仲可衡州刺史制

田盛可金吾將軍句當左街事制

陳楚男王府諮議參軍君賞可定州長

史兼御史軍中驅使制

崔承寵可集州刺史制

前貝州刺史崔鴻可重授貝州刺史制

前吉州刺史李繁可依前吉州刺史制

瀛漠州都虞候萬重皓可坊州司馬制

崔墉可河南府法曹參軍制

前河陽節度使魏義通授右龍武軍統

軍前泗州刺史李進賢授右驍衛將

軍並檢校常侍兼御史大夫制

李玄成等授官制

馬揔准制追贈亡父請迴贈亡祖制

權知朔州刺史樂璘正授兼御史中丞

制

神策軍推官田鑄加官制

裴敞授昭義軍判官裴侔授義成軍判

參官各轉官制
雲州刺史高榮朝除太子賓客河東都
押衙制

韋綬等賜爵制

烏重明等贈官制

羽林龍武等軍將士各加轉制

新羅賀正使金良忠授官歸國制

鎮州軍將王怡判官李序先被賊中
誅囚並死各贈官及優卹子孫制

永年序下有等
九人之三字

永年序下有等
九人之三字

勅朕常思鎮奠之間弔伐之際有仗順死
義不吾聞者因命弘正列狀以聞而某官
王怡等頃陷艱虞思伸忠効或名節將立
併命於幽憂或義烈臨奮失身於戮辱履
危如虎尾視死如鴻毛若無褒揚何勸天
下旣降飾終之命仍知身後之禮追榮延
寵有越常倫冀使死節之魂忠憤之骨知
我憐憫歿無恨焉怡可贈左僕射序可贈
給事中

馬李蔡
作崇

力口

永年

命武寧軍陣亡大將軍李自明贈濠州
 刺史制
 勅王師之討蔡平鄆也自明為武寧裨將
 隸于元戎凡所指蹤必先致命三軍之士
 于今稱之有勞未圖無祿早代生不及賞
 歿而加恩庶使猛將義夫聞而相勸曰死
 猶不忘況生者乎可贈濠州刺史
 裴弘泰可太府少卿知左藏庫出納
 制

勅前度支河北權鹽使朝議郎檢校尚書
 刑部郎中使持節貝州諸軍事兼權知貝
 州刺史侍御史充本州防禦使上柱國賜
 紫金魚袋裴弘泰九土之貢百品之貨辯
 其名物謹其出納常在外府統以上卿宜
 求幹敏之才以為之貳而弘泰頃分權務
 兼撫郡民當軍興之時法行政立則受藏
 之府事繁物殷量其器能可以專委勉膺
 是任無替前勞可守太府少卿知左藏庫

出納散官勲賜如故
李昌元可兼御史大夫制
勅通議大夫使持節儀州諸軍事儀州刺
史兼御史中丞上柱國李昌元弓裘令子
疆場勞臣能讀父書甚識戎事每在戰陣
未嘗無功及委蕃條亦聞有政而知臣者
君也賞勞者爵也亞相之秩威重寵崇加
乎爾身以勸能者可兼御史大夫餘如故
田頴可亳州刺史制

勅正議大夫前檢校右散騎常侍使持節

洛州諸軍事兼洛州刺史御史大夫充本
州團練使上柱國賜紫金魚袋田頴自別
屯將壘專領郡城而能勤恤師人與之勞
逸故臨戎則士樂為用撫下而眾知嚮方
忠勲既彰能政亦著牧守之選吾所重之
譙鄴之間人亦勞止授爾印綬往勞來之
宜推前心佇立後効可檢校左散騎常侍
使持節亳州諸軍事兼亳州刺史御史大

勅

馬字左作右
勅字左作右

夫本州團練使鎮遏使散官勲賜如故大
宜薛伯高等亡母追贈郡夫人制常
勅某夫人某氏等始播婦儀終垂母道教
其令子為我良臣而皆茂著才名榮居爵
位永言聖善宜及顯揚俾追啓邑之封式
表統家之訓可依前件

李佑授晉州刺史制

勅牧守之官與吾共理下之安否繫乎其
人必稽前功方降是命某官李佑夙負材

常

器累經任用當領軍郡頗著政聲而平陽
舊都近罷征鎮土疆事物既廣且殷藉爾
良能為予撫字夫均其征役簡其科禁謹
身省事以臨其人而人不安未之有也往
弘是道以康晉人可依前件
武寧軍將王昌涉等授官制
勅王昌涉等早以材力召募從軍元和已
來南征北伐咸有勞績著于一時主帥上
聞乞加褒賞故以寺卿憲職序而寵之無

棄前功在申後効可依前件

來南馬摠亡祖母韋氏贈夫人制

勅某官馬摠亡祖母韋氏播茲懿範貽厥
嘉謀施及孝孫實居貴仕將明餘慶其在
追榮不唯垂裕後昆抑亦光昭幽壤宜降
封立之命以慰令伯之心可贈某夫人

身路貫等授桂州判官制

勅藩隅之重委以侯伯軍府之要掌在賓
寮貫等以文行修身以智謀從事佐廉問

澄清之務撫華夷錯雜之人俾其又安實
在叅贊宜及寵命以光所從可依前件

駙馬都尉鄭何除右衛將軍制

勅周設七萃漢列八屯皆以拱衛王宮肅
嚴微道統茲騎吏其屬親賢某官鄭何擢
秀士林挺質公器以貞和陶其性以禮樂
文其身善積德門慶連戚里况以踐名職
累著聲猷念舊獎能宜加榮寵環列之尹
不易其人俾宣力於爪牙不失親於肺腑

可右衛將軍餘如故

封太和長公主制

勅公主之封號也或以善地或以嘉名立
愛展親茲惟舊典第四女端明成性和順
稟教靜無違禮故組紉有常訓動必中節
故環珮有常聲歲茂穠華日新淑問乃眷
肅雍之德俾開湯沐之封可封某公主

宋朝榮加常侍制

勅河東節度都押衙試太子賓客兼御史

馬牙作衙

中丞宋朝榮嘗因戰功擢領邊郡揆能適
用故有轉遷龍樓上寮牙門右職雖有兼
命未表殊恩宜加騎省之榮不改憲臺之
重以茲寵任足報忠勲爾其敬承無墮乃
力可檢校左散騎常侍餘如故

贈陣亡軍將等刺史制

勅故某官某等王師問罪至于淄青爾等
同執干戈親當矢石忠而盡瘁勇以亡身
或退卒于師或進歿于戰俱死王事深惻

永仁年下之

馬牙以作而
永仁年下之

朕心念捐軀於軍前宜追命於泉下郡守之貴以示褒榮可依前件

諸道軍將等授官制

勅平齊之役也諸軍指期衆校合戰某官等各輸戮勇同樹勲勤永思積日之勞頗愧踰時之賞故於獎授有所超遷朝右貴班宮坊清秩或參憲職分以命之庶知我心不忘忠力可依前件

裴度韓弘等各賜一子官并授姪女

壻等制

勅某官某等謁廟郊天改元肆眚是爲大慶與衆共之矧股肱心膂之臣與吾同體延賞任子其可廢乎爾等或以文華或以吏職有所修立稟於義方自當褒升况霑慶澤俾舉展親之典用叶推恩之道猶子愛壻各命以官爾其敬承無忝朝獎可依前件

入廻紇使下軍將官吏夏侯仕戡等

四十人授卿監賓客諮議衛佐同制
勅某官夏侯仕戡等前命鄭權之入迴紇
也爾等參護使車用祗王命悉心盡力有
恪恭跋滯之勤焉宜以省寺軍衛之班宮
坊府邸之列舉為賓典分以寵之辯等旌
勞於是乎在可依前件

盧昂可監察御史裏行知轉運永豐
院制

勅號州司戶參軍盧昂前負瑕疵事多曖

昧今聞修省善亦昭彰況有大僚同知情
狀且明非罪仍舉有才吾信人言遂可其
奏爾思自効無辱所知可依前件

張惟素亡祖紘贈戶部郎中制

勅右散騎常侍張惟素亡祖某縣令某德
合上玄才終下位命屈於當代慶流於後
昆故其孝孫實登貴仕經曰無念爾祖詩
曰貽厥孫謀此言孫之謀能顯揚其先祖
之德能垂裕于後也不追榮於列宿旌精

永仁平德合三〇
去才作己夏三才

曷

德於太丘可贈戶部郎中
興州刺史鄭公逵授王府長史李循
授興州刺史同制
勅鄭公逵等或以行稱或以才舉進修所
致班秩不卑改命序遷各適其用且乘朱
輪於郡邸曳長裾於王門士子名官至斯
亦不爲不遇也立朝案部各敬爾官可依
前件

權知陵州刺史李正卿正除刺史制

勅審材之要考察爲先吾之於人試可乃
用李正卿頗闕吏道因假郡符畏法愛人
善於其職夫速旌其能則吏勸久於其政
則化成未可轉遷就加真秩副吾知獎無
怠始終可陵州刺史

知渭橋院官蘇洵授員外郎依前職
前進士王績授校書郎江西巡官制
勅某官蘇洵嘗以幹良分領劇務受任稱
職主者上聞績既有成賞安可闕前進士

永仁本同以作
用示

馬本柳作柳下
同

王績亦以藝學藉名太常著其令聞及此
慰薦一以課進一以才升咸加班榮同以
褒獎臺官校職爾各欽承可依前件

湖南都押衙監察御史王瓘可郴州

司馬依舊職制

勅某官王瓘郡司馬之官秩祿頗厚凡在
戎行有軍課者多兼命以優寵焉而瓘以
鞭弭橐鞬從事征鎮前後主帥咸稱有功
宜加新命仍率舊職蓋欲旌往勞而責來

効也爾其勉之可兼郴州司馬

安南告捷軍將黃士儵授銀青光祿

大夫試殿中監制

勅某官黃士儵戎首來降陪臣告捷服勤
靡鹽將命無違宜以恩榮獎其勞效貴階
崇秩兼而寵之可依前件

王鎰可刑部員外郎制

勅刑曹郎缺朕詔執事擇可以善於其職
者而殿中侍御史王鎰自居殿中能察非

盧李欽作欽馬
本作嗣

法連鞫庶獄多叶平允加以溫敏靜專可
當是選一歲之獄決在秋冬今方其時宜
敬乃職

京兆府司錄叅軍孫簡可檢校禮部

負外郎荆南節度判官浙東判官試

大治評事韓欽可殿中侍御史巡官

試正字晁朴可試協律郎充推官同

制

勅某官孫簡等凡使府之制量職之輕重

以命官揆時之遠近以進秩俾等衰有常
序遷次有常程勞逸均而名分定矣簡自
登憲司佐相幕府暨糾天府皆有可稱而
欽等亦以文學發身謀畫効用荆陽浙右
實籍賓寮况今之公卿大夫皆由此塗出
慎爾職事爾無自輕可依前件
冀州奏事官田練可冀州司馬兼殿
中侍御史制
勅某官田練幹敏立身公勤濟事奉州將

之手疏達軍人之血誠念其忠勞宜有寵擢假憲名於殿內遷郡秩於治中茲謂兼榮爾其敬受可依前件

薛常翹可邢州刺史本州團練使制勅新授深州刺史薛常翹平蔡之役常領偏師實立勲勞遂膺寵任今屬方隅多故將守用能宜以翹之長材居邢之要地故命魚符換郡熊軾移轅夫事至而功成時來而節見此忠良之事業也爾其念之哉

可依前件

牛元翼可檢校左散騎常侍深州刺

史御史大夫制

勅某官兼御史中丞權知深州事牛元翼命官之要凡試吏者必俟成效然後即真而元翼有理戎之才扞城之略權領軍郡能修武經士樂人安厥有成績是用假威臺憲真拜郡符仍以金貂示其兼寵吾聞忠臣立節列士垂名其要無他得時而已

勉竭材力副予斯言可依前件

王衆仲可衡州刺史制其兼

勅前虔州刺史王衆仲聚學修身由文飾

吏累經任使頗著良能前牧南康亦聞有

政宜新印綬載領藩條而衡湘之間蠻越

雜處無以俗陋不慎乃事無以地遠而怠

厥心副吾陟明俟汝奏課可依前件

田盛可金吾將軍勾當左街事制

勅右金吾衛將軍田盛夫仕宦至執金吾

馬本街作衛

馬本宦作官

古今所榮重也而盛生勲德門有文武略

居貴介而無佚領誰何而有勞言念徼巡

之功宜及轉遷之命處左攝事以表使能

可依前件

陳楚男王府諮議參軍君賞可定州

長史兼御史軍中驅使制

勅某官陳君賞夙承義訓幼有令聞專繼

弓裘之名通知軍旅之事因仍憲職兼佐

郡符敬服寵章勉從任使

崔承寵可集州刺史制

勅太子左諭德崔承寵早登班級亟換星
霜自陳力於貴朝屢奉辭於外國職因事
博績以勞成就列宮坊既申贊諭之美分
符郡邸佇聞刺舉之能宜勵公心祗承寵
命

前貝州刺史崔鴻可重授貝州刺史

制

勅前貝州刺史崔鴻嘗牧貝丘能修其職

及辭印綬頗有去思相時之宜從人之望
俾換新命再臨舊邦况聞貯蓄時材諳詳
物務而方州思理侯伯薦能勉勤為政之
心勿忝知人之舉

前吉州刺史李繁可依前吉州刺史
制

勅前吉州刺史李繁累奉藩條皆奏課第
故移縉雲之政俾牧廬陵之人雖降璽書
未臨郡邸屬魚章改造熊軾追還事既謀

新職宜仍舊勉率分憂之任庶成來暮之
謠

瀛漠州都虞侯萬重皓可坊州司馬
制

勅某官萬重皓嘗資武力早備戎行頗歷
艱虞亦聞勤効而藩隅未靖遷轉從宜言
念前勞宜加優秩可坊州司馬

崔墉可河南府法曹參軍制

勅鄆曹觀察判官監察御史裏行崔墉文

行飾躬公清奉職士林推美藩府薦能軍
旅之間久資其用忠勤之後不殞其名宜
拔才於功臣俾試吏於府掾可依前件

前河陽節度使魏義通授右龍武軍

統軍前泗州刺史李進賢授右驍衛

將軍並檢校常侍兼御史大夫制

勅夫文武之才內外迭用軍國之任出入

遞遷斯所以優勲賢而均勞逸也某官魏

義通以戎功積久榮委旌旄某官李進賢

以軍課居多寵分符竹各勤其職咸用所
長是以河陽三城鎮靜而不擾泗濱一郡
緝理而有勞我有禁軍爾宜分領親信則
倚爲心膂動用則張爲爪牙苟非其人不
付此任咸假貂蟬之貴仍兼憲職之榮勉
哉二臣無替一志可依前件

李玄成等授官制

勅黔州觀察使與度支使言玄成等或蘊
蓄能才咨謀是籍或分領劇務課績有成

馬本與作兼言
兼太子

並可奏書各遷憲職勉勤乃事無忝所知
可依前件

馬摠准制追贈亡父請迴贈亡祖制

馬本摠作總

勅夫積善者慶鍾于後顯揚者光昭于先
而摠貴爲邦君賢爲國士荷貽謀之訓用
率義之文上獻表章有所陳乞朕念其祖
德褒以臺郎所以復陳寔必興之言慰范
喬泣涕之思庶使幽顯兩無恨焉可贈某
官

權知朔州刺史樂璘正授兼御史中丞制

勅樂璘專習武經旁通吏道試補郡守以觀其能連帥上聞果副所舉夫審官之要在因其所長而任之則政速成而化易就也才既試可官宜即真何以寵之就加憲職可朔州刺史兼御史中丞

勅田鑄官列環衛職參禁軍慎檢有聞恭

勤無怠願是勞効例當轉遷郡佐官寮以示兼寵重

裴敞授昭義軍判官裴侔授義成軍判官各轉官制

勅裴敞等昭義義成今之重鎮實藉賓介以參謀猷而二帥皆勤於奉公精於辟士度才而授職循序而請官頗合所宜咸可其奏可依前件

雲州刺史高榮朝除太子賓客河東

都押衙制

勅高榮朝常領銳師入攻堅寇因累獎賞
位至專城才有所長宜遷戎職功不可忘
兼進榮班勉事元戎無替勞効
勅韋綬等賜爵制
勅韋綬等去年春夏同奉寢園事集禮成
副吾哀敬宜加封爵以報恪勤可依前件
勅烏重明等贈官制

勅故某官烏重明等夫生樹功勤歿加褒

飾有國之常典也重明等在興元初常執
勤于奉天策勲爲定難無祿即代有勞未
圖星歲屢遷光塵不昧聞輶之念予心曷
忘俾慰幽泉各追顯秩可依前件

羽林龍武等軍將士各加改轉制

勅夫軍衛警則內外嚴爵賞明則忠勤勸
爾等咸以材力列于禁營屬去年已來屢
陳儀仗雖加賜與未答勤勞因詔有司舉
行賞典吾匪虛授爾宜敬承文武班資各

從序進可依前件

勅新羅賀正使金良忠授官歸國制

御時以仁信柔遠聲教所及駿奔而來况

溟漲一隅舟航萬里爾慕我化我圖爾勞

隨其等倫命以寵秩無替前効永為外臣

可依前件

白氏文集卷第三十六

翰林制詔

凡三十四道

白氏文集卷第三十七

抱經堂本為五十四

翰林制詔一但作制凡三十四道

除裴垵中書侍郎同平章事制

除段祐檢校吏部尚書兼太子賓客制

除趙昌檢校吏部尚書兼太子賓客制

除鄭絀太子賓客制

加程執恭檢校尚書右僕射制

除王佖檢校戶部尚書充靈鹽節度使

制

除闞巨源充邠寧節度使制

授吳少陽淮西節度留後制

除程執恭檢校右僕射制

除郎官分牧諸州制

除張弘靖門下侍郎平章事制

授范希朝京西都統制

贈吉甫先父官并與一子官制

除李絳平章事制

授韓弘許國公實封制

除裴度中書舍人制

除蕭俛起居舍人制

除崔群中書舍人制

獨孤郁守本官知制誥制

授沈傅師左拾遺史館修撰制

除許孟容河南尹兼常侍制

除李程郎中制

裴克諒權知華陰縣令制

贈高郢官制

貶于尹躬洋州刺史制
贈裴垪官制

除軍使邠寧節度使制

除韋貫之平章事制

除拾遺監察等制

除范傳正宣歙觀察使制

邊鎮節度使起復制

除任迪簡校校右僕射制

除常侍制

除裴武太府卿制

除裴垪中書侍郎同平章事制

門下朕聞后德惟良臣惟聖在太宗時

實有房杜贊貞觀之業在玄宗時實有姚

宋輔開元之化成克佑我烈祖格于皇天

朕祗奉丕圖懋繼前烈思欲貞百度和萬

邦建中于人垂拱而理永惟房宋之化寤

寐求思至誠感通上帝春祐果賴良弼輔

予一人正議大夫行尚書戶部侍郎上柱

永平

臣良臣馬季作哲

哲

宋仁宗類作奏

國賜紫金魚袋裴均器得天爵文為國華
 行有根源詞無枝葉忠敬恭順貫之以誠
 心方潔貞廉輔之以通識玉立不倚金扣
 有聲洎內掌綸言密參樞務嚴重有大臣
 之體溫雅秉君子之文每獻納之時動有
 直氣當顧訪之際言無隱情遠圖是經大
 事能斷匡予不逮時乃之功及領他官且
 司邦賦會計務劇出納事殷投利刃而皆
 虛委勞絲而必理歷試已久全才益彰宜

他官地承
 已作茲永
 仁李同

登中樞以副僉望夫宰輔者下執邦柄上
 代天工為國著龜注人耳目爾尚降乃德
 以親百姓廣乃志以序九流匡朕心以清
 化源從人欲以致和氣予欲宣力汝為股
 肱予欲詢謀汝為心膂予違望于汝弼勿
 謂不從汝言逆于朕心必求諸道獨立勿
 懼直躬而行明聽斯言敬踐乃位嗚呼罔
 俾房宋專美于前可中書侍郎同中書門
 下平章事散官勳賜如故主者施行

德

下平除段祐檢校兵部尚書右神策軍大將軍制

門下爲君之心惟功勞是念有國之典以賞勸爲先其有輯睦師徒保綏黎庶盡勤王之節建議護塞之勲則宜進以官常委之軍要兼文武之秩參內外之榮斯所以彰念功而明懋賞也四鎮北庭行軍兼涇原等州節度支度營田觀察處置等使光祿大夫檢校工部尚書使持節涇州諸軍事

明

涇州刺史兼御史大夫上柱國鴈門郡開國公段祐早膺事任累著公忠名因義聞位以勤致自分戎閫實控塞門明舉武經大修邊備士卒有勇保障無虞虜不近邊農皆狎野展執珪之勤禮瀝戀闕之深誠方圖爾勞且遂其志夫六官屯職大司馬列于前二廣分師上將軍處其右長夏官以率屬領環衛而拱宸苟非信臣安可兼委嘉乃實効副予虛求將慎重其腹心宜

進登於喉舌敬服休命勉揚今圖可檢校
兵部尚書右神策軍步軍大將軍知軍事
散官勲封如故主者施行

除趙昌檢校吏部尚書兼太子賓客

制

門下王者以尚齒尊賢為體以念功任舊
為心况文武之才有以兼備則中外之職
所宜迭居所以寵舊勲而優耆德者也前
荆南節度管內支度營田觀察處置等使

命紫光祿大夫檢校兵部尚書兼江陵尹
上柱國天水郡開國公趙昌聚學飾身修
誠致用以膺事任累著勲猷統護交州威
惠之聲克振鎮臨南海撫循之政有經自
移部荆門馳心魏闕增修職責益勵忠勤
爰舉寵章用旌茂績夫望優四皓然後能
調護春闈才冠六卿然後能紀綱會府惟
爾年德足尚可以周旋其間宜增喉舌之
榮以崇羽翼之任服我休命其惟懋哉可

檢校吏部尚書兼太子賓客散官勲封如故主者施行

除鄭綱太子賓客制

門下王者重輔弼之任明進退之宜見可即升知否則捨茲朕所以推誠不惑與物無私者也銀青光祿大夫守門下侍郎同中書門下平章事兼弘文館大學士上柱國陽武縣開國侯鄭綱早以令聞入參禁署永惟勤績出授台司期爾有終匡予不

永保國作固

逮歲月滋久謀猷滯微罔清淨以慎身每

固

全盧平君作大令作

因循而保位既乖素履且鬱皇猷宜副群情罷茲樞務朕以其久居內職累事先朝思厚君臣貴令終始俾就優閑之秩用申寬大之恩可太子賓客散官勲封如故主者施行

全作全

永保先帝事

加程執恭檢校尚書右僕射制

二月十二日

門下職參揆務權摠戎麾必惟其人乃授斯柄自非望崇垣翰功著旂常則何以副

儀形之求稱節制之任。我有休命爾其敬承。銀青光祿大夫檢校兵部尚書使持節。滄州諸軍事兼滄州刺史御史大夫。橫海軍節度支度營田滄景等州管內觀察處置等使上柱國邢國公食邑三千戶程執恭。義勇立身忠愨成性聚爲事業發爲勲猷。歷事先朝久專外閫殿邦而山岳比鎮奉國而金石爲心。動修武經居有循化。洎執珪入覲班瑞言旋忠懇內激於心誠恭

充

順外形於詞氣爰舉疇庸之典稍增命秩之榮。方圖前勞且有後命朕思安封域望在勲賢任既切於腹心位猶輕於喉舌以守土勤王之効雖進官封念來朝述職之忠未加寵數特升右揆俾壯中權勉終永圖無替成績可檢校右僕射餘並如故。命除王秘檢校戶部尚書充靈鹽節度使制

四年六月三日

門下靜邊之要選將爲先夫有統馭之才

陶雲下无後字
盧云後字衍下同
作然後以順但盧
自自此文法前卷中
亦有之

然後授以節制之任有撫備之略然後鎮
以夷夏之衝期乎懷遏寇虞慎固封域今
予命爾時謂得人開府儀同三司檢校刑
部尚書兼右衛上將軍寧塞郡王食實封
二百五十戶王必忠厚立誠果斷效用慎
始終而行有枝葉踐夷險而道無磷緇早
練武經累從軍職頃逢多壘實佐元戎節
著臨危功參定難位由勞致名以忠聞自
列六卿且司七萃星霜屢變金石彌堅宜

申命於北轅俾遏戎於南牧進地官以崇
新命極勲秩以褒舊功中簡朕心外諧僉
議况五原重鎮諸夏長城修戎政莫先於
威聲牧邊民莫尚於惠實師雜昆夷之悍
訓必在和地為獯虜之鄰撫宜以信勉率
是道往分朕憂歲時之間期於報政委望
斯在爾其聽之可檢校戶部尚書兼靈州
大都督府長史御史大夫充朔方靈鹽定
遠城節度副大使知節度事管内支度營

長正張

馬本脫副大二字

白集三十七

九

田觀察處置押蕃落等使仍賜上柱國散
官封實封並如故主者施行

除闡補取及請諸司各別重徒戎飲之北名巨源充邠寧節度使制

門下華夷要地實為蕃漢鈇鉞重柄必授
忠賢况乎掎角諸軍金湯中夏有坐甲護
邊之旅任切於拊循有引弓犯塞之虞寄
深於備禦內作心腹外張爪牙苟非信臣
不在茲選奉天定難功臣開府儀同三司
檢校尚書右僕射兼羽林軍統軍御史大

而叙時乃之功禁穢統和時乃之

馬不十作十

馬不十作十

夫上柱國定襄郡王食邑一千三百戶闡
臣源備知虜態明練兵符永惟頗牧之能
宜授邠邠之寄長南宮而遷左揆壯西郊
而委中權既圖前勞且佇來効於戲十聯
之帥可以觀政萬夫之長可以樹勳勉弘
全猷副我休命可檢校尚書左僕射使持
節邠州諸軍事兼邠州刺史御史大夫充
邠寧慶等州節度營內支度營田觀察處
置等使功臣散官勳封並如故主者施行

十百十

四年十
月百進

授吳少陽淮西節度留後制

三月十九日

門下議事以制擇善而行是適變通庶臻
康濟此王者所以弘德而息人也況閩外
重寄淮右成師建有德以統藩方擢有才
以領留府抑惟令典今舉行之彰義軍馬
軍先鋒兵馬使正議大夫檢校右散騎常
侍使持節申州諸軍事申州刺史兼御史
大夫會稽郡王吳少陽忠勞許國貴介承
家蓄武略於鞞鈴宣吏能於符竹屬元戎

馬承作成

推作權

既歿謀帥其難朕將選衆以升試可而用
推掌戎務已逾歲時而能和輯師人勤修
土貢布寬簡有恒之政動悅人情守恭順
不踰之心靜俟君命有嘉大節可假中權
宜進列於貂蟬俾增威於貔武仍加勲秩
式茂寵章嗚呼重觀其能我故委之留事
載佇其効爾宜勉於後圖敬思是言往率
乃職可銀青光祿大夫檢校左散騎常侍
依前兼御史大夫使持節蔡州諸軍事權

況自思

知蔡州刺史充彰義軍節度管內支度營田申光蔡等州觀察處置等使留後仍賜上柱國封如故主者施行

除程執恭檢校右僕射制

七月十二日
夜進

門下臣之節極乎忠功君之柄先乎爵賞欲忠者之克懋也故爵有加等欲功者之速勸也故賞不逾時古先哲王實用茲道今我命爾因其舊章橫海軍節度支度營田滄景等州觀察處置等使起復冠軍大

永仁本略作明

將軍左金吾衛大將軍負外置同正負檢校兵部尚書使持節滄州諸軍事兼滄州刺史御史大夫上柱國邢國公程執恭業傳將略名在勲籍蘊天爵以修已忠孝兩全竭臣節而事君夷險一致紀綱我列郡節制我成師動揚休聲靜著茂實自合符徵旅奔命出疆暴露歷於三時供億出於二郡整衆而身作師律伐謀而心爲戰鋒服金革而無辭當矢石而有勇兩晦識雞

略作內

鳴之信風高見隼擊之威遠略既申茂勲
方集朕以恒陽之衆蠢爾無知毆彼生人
致之死地每一念至惻然久之與其傷和
而濟功曷若舍垢而修德既罷師旅爰圖
勤勞効且居多賞宜從重俾自夏官之長
特升右揆之崇獎忠勸功於是乎在承我
休命爾其欽哉可檢校尚書右僕射餘並
如故主者施行

除郎官分牧諸州制

自此已下擬諸制詞
并在翰林中作

前漢書本傳亦有其
字

漢宣帝云與我共理者其惟良二千石乎
誠哉是言朕每三復安得循吏副吾此心
今之臺郎一時妙選嘗經任歷率有才用
雖典曹庀事其務非輕而卹隱分憂所寄
尤重是用並命分牧吾人歲時之間期於
報政戶部郎中某可某州刺史兵部員外
郎某可某州刺史朕高懸爵賞佇期酬効
咨爾夙夜其念之哉無俾龔黃專羨前代
除張弘靖門下侍郎平章事制

夫佐佑天子，燮理陰陽，平章法度，登進賢
 招外撫夷狄，內安元和，使百官修其職，一
 物不失其所，此宰相之任也。朕思得良弼，
 馴致此道，咨予命汝，其殆庶乎。某官張弘
 靖，惟乃祖乃父，代居相位，咸有成績，書于
 旂常。爾有忠正恭肅，文以禮樂，日濟其美，
 振揚家聲。一時之人，謂之才子，亟登清貫，
 益著令聞。洎出刺陝部，移鎮蒲坂，政不苟
 細，甚得人心。寮吏將卒，皆樂為用。清簡之

化聞于京師，由是鄭風緇衣之好，漢庭玄
 成之美，朝望時議，翕然與之。人謀既同，朕
 志亦定，乃用登爾于左輔。授爾以大政，尚
 克欽乃嘉命業，乃代官竭其股肱，服我前
 訓。嗚呼！三代為相，邦家之光，爾其念哉。無
 替乃前人之徽烈。

授范希朝京西都統制，乘休職今對
 閭闔風至，太白星高，謀帥護邊國之大計。
 某官范希朝，忠貞勤儉，以為質惠和智勇。

以爲用。一代名將三朝信臣。朕以西邊列
鎮三四。若有搃統則易成功。思得良帥有
威名者。并護諸將。歲一巡邊。乘秋順令。揚
其威武。則南牧之馬引弓之人。知我有備
不戰而去。誰可任者。無如希朝。以爾有朔
方之勞。有振武之効。功在疆場。名聞羗戎。
惟實與聲皆副。是選今拜爾爲大將。尊爾
爲司徒。節制進退。一令諮稟。倚望如右。可
不慎歟。可充京西都統。

盧本吉上有李字

贈吉甫先父官并與一子官制

勅某官李吉甫。出入將相。迄今七載。而能
修庶職。叙彝倫。毗予一人。以底于道。夙夜
不怠。厥功茂焉。夫忠於君者。教本於親。寵
其身者。賞延于嗣。於是乎有節終之命。有
任子之恩。所以感人心。而勸臣節也。惟茲
舊典。可舉而行。

除李絳平章事制

昔在堯舜。聰明文思。尚賴良臣。實相以濟。

副作副

永仁年元於字

况朕薄德不逮先王是用急疾於求賢置之於左右俾承弼納誨以匡不逮言雖逆耳必求諸道事苟利人咸可其奏茲足以宣股肱之力成天下之務歷選多士爰得良輔乃降厥命其聽之哉某官李絳齊莊嚴重內明外直進退舉措有大臣體自參內職每備顧問忠讜之操終然不渝及貳地官專領財賦未逾周月亦有成績歷試多可人望攸歸俾登中樞無易絳者於戲

永仁年亦作史

參作泰

爾有以文學入仕以正直奉上台膺大用職亦屢遷十年之間位至丞相可以報國在乎匪躬欽哉懋哉無忝朕命

授韓弘許國公實封制

可作何

梁宋之交水陸合會人雜難理軍暴難戢因變肆亂往往有焉唯此一方朕常憂慮今有良帥鎮而撫之政立功成宜舉賞典某官韓弘以長材大略作我藩臣本於忠力輔以政理自分閫寄在浚之郊嚴貞師

屬

郊作都

律恭守朝憲訓兵積粟明罰信賞軍和食
足禮節並行河南晏如于茲一紀是則有
大勲於國有大惠於人會課義功無出其
右夫有過人之効則有加等之命古之王
者所以賞一人而天下勸者用此道也可
不務乎是用建于上公授之真食以示殊
寵以旌殊績欽我休命子孫其保之

除裴度中書舍人制

司勳郎中知制誥裴度以茂學懿文潤色

訓誥體要典麗甚得其宜施之四方朕命
惟允况中立不倚道直氣平介然風規有
光近侍臺郎滿歲班列當遷綸閣之職所
宜真授

除蕭俛起居舍人制

左補闕翰林學士蕭俛頃居諫列職同其
憂夙夜孜孜拾遺左右朕嘉乃志選在內
庭自參密近益見忠讜終始不替尤足多
之記事之官一時清選俾膺是命以弘勸

獎

除崔群中書舍人制

庫部郎中知制誥翰林學士崔群端厚和敏飾以文學溫溫忠敬得侍臣之風自列內朝兼司誥命事煩而益密職久而彌精六年于茲勤亦至矣况小大之事常所訪問盡規極慮弘益居多所宜寵以正名式光禁職敬乃嘉命其惟有終

獨孤郁守本官知制誥制

考功員外郎史館修撰獨孤郁爲人沉實敏行寡言粲然文藻秀出於衆累升諫列再秉史筆洎掌功論率以直聞求之周行不可多得而掖垣近職綸閣重選俯詢時議爾宜居之

授沈傳師左拾遺史館修撰制

京兆府鄠縣尉沈傳師庶職之重者其史氏歟歷代以來甚難其選非雄文博學輔之以通識者則無以稱命今茲命爾其有

旨哉昔談之書遷能修之彪之史固能終
之惟爾先父嘗撰建中實錄文質詳略頗
得其中爾宜繼前志率前修無忝爾父之
官之職可左拾遺史館修撰

除許孟容河南尹兼常侍制

昔吳公袁安爲河南尹守皆能以廉平清
肅馭吏教人孰能繼之我有良吏某官許
孟容才志甚大言論甚高在臺閣間藹然
公望嘗尹京邑觀其器用臨事能守當官

敢言不吐剛以茹柔不附上以急下政無
煩碎甚合衆心及是轉遷頗有遺愛河洛
千里都畿在焉凡所選任必歸望實考言
詢事非爾而誰不忘舊政可立新績仍以
騎省申而寵之

除李程郎中制

隋州刺史李程頃以詞學入參訓命旋以
才用出領詔條漢東大郡委之共理勵精
爲政三年有成中外序遷朝之彛典尚書

郎缺爾宜補之

裴克諒權知華陰縣令制

華陰令卒非選補時調租勉農政官不可缺病

前鎮國軍判官試大理評事裴克諒又佐

本府頗有勤績屬邑利病爾必周知宜假

銅墨試其才理待有所立方議正名

贈高郢官制

故尚書右僕射高郢立身從事皆有本末

在亂不汙可以言忠守官不撓可以言直

以道佐主可以言正以年致仕可以言禮

有一於此人鮮克舉况備四者不亦君子

乎天不慙遺深用軫悼宜加褒贈以旌其

風仍俾善人聞而知勸可贈某官

貶于尹躬洋州刺史制

中書舍人于尹躬其弟臯謨賊汙狼藉雖

無從坐之法合當失教之責然以典職詔

命恭勤五年我即念勞爾宜思過俾居近

郡茲謂得中

贈裴均官制

故太子賓客裴均忠正恭慎佐予爲理事
君盡禮徇國忘身積憂與勞構成疾恙以
至淪逝念之惻然頃屬多故未申禮典永
惟褒飾寧忘于心今則命數之間宜從加
等庶使忠於君者有以勸焉可贈某官

除軍使邠寧節度使制

金方之氣凝爲將星王者法天選命豪傑
授之以鉞拜爲將軍以威西戎以護中夏

而倚望若是安可非其人哉某官某出忠
入孝仗信抱義行有餘力學劍讀書鬱然
將材用兼文武自領軍衛爲我爪牙夙夜
警巡不懈于位材官知訓環列增勲服勤
五年茲爲成績可以移用使之守疆邠邠
大藩控扼胡虜若得良將則無外虞知臣
者君非爾不可仍加副相以重是行勉樹
勤勞式光寵擢

除韋貫之平章事制

馬本監作監處
三集中每不作古
字

周宣漢宣繼之體主一得申甫一得魏丙
咸克致理號為中興朕嗣位以來求鑒前
烈惟是賢俊寤寐求思歷選周行乃獲時
彥宜以政柄舉而授之某官韋貫之溫重
明正國之公器當官必守臨事能斷簡在
朕志追今累年乃者擢居諫司以觀其直
出領符竹以觀其理煩之劇務以觀其用
訪之太政以觀其體歷試必中眾望允屬
倚之為相僉曰宜哉可中書侍郎同中書

永仁本中書門下
字

永仁本鳴呼作焉
字

門下平章事夫臣事君以忠后從諫則聖
靡不有始鮮克有終理化不成恒由於此
今我與爾永終是圖雖休勿休以臻其極
嗚呼二宣之業吾有望焉

除拾遺監察等制

渭南縣尉庾敬休等咸文行清茂士之秀
者宜從吏列擢在朝行各隨才用分命以

職司諫執憲佇有可稱

除范傳正宣歙觀察使制

日集三十一

三十一

行作詢
永仁本同

古之諸侯三載考績選其賢者命為長率
 所以勸功行而興理化也蘇州刺史范傳
 正文學政事二美具焉選自郎署出分符
 竹江南列郡連領者三所至之部悉心為
 理明諭朝旨恭守詔條謹身省事以臨其
 下政簡而肅意誠而明吏不能欺人是以
 息而去思之歎來暮之謠往復有政聞於
 人聽雖古循吏茂以加之朕以陵陽奧壤
 土廣人庶其地有險所寄非輕跡其前効

可當此選况黜歎之遺愛尚在吳興之新
 政方播升車便道足慰人心固當望風自
 安計日而理倚注於爾往宜欽哉

邊鎮節度使起復制

執親之喪三年禮也聖人不得已而奪之
 金革之事無避權也忠臣不得已而從之
 某官某握我兵要守在塞門忠勇威惠合
 以為用師人悅付戎虜畏服迨彼諸部聞
 其姓名况歲廣屯田日討軍實載陳遠略

方集大勲自羅家艱遽致公政茹荼銜恤已過旬時而軍旅不可以無帥疆場不可以無主且慮人慢或生戎心蓋臣節大於孝思王事急於情禮捨輕從重徇公滅私變而通之正在於此俾加戎秩用申護邊封往服舊職無違朕命

律除任迪簡檢校右僕射制

書曰德懋懋官功懋懋賞此先王所以匡飾天下也有其忠勞輸于國惠澤及于人

高位厚賞朕無所愛某官任迪簡頃以本鎮元戎來朝俾佐師律實掌留務屬偏裨不軌誘動軍部亂行忤命至于再三而迪簡冒白刃於戎首置赤心於人腹挺身誓衆罔不率逆後群情既歸因命為帥况閭閻蕩析倉廩匱竭野有餓殍軍無見糧又能推恩信以結衆心率勤儉以勸生業士旅悅附流庸思歸周月之間泰然安堵開置幕府叶和親鄰俾予無憂時乃之力夫為

勤上勤

將守立功如斯不加爵賞何勸來者建官
惟百端揆長之自非勲賢不在此選以是
加等之命寵乃殊常之績俾增威於閩外
仍就拜於軍中爾其欽哉無替厥命

除常侍制

某官某往以強毅剛直見稱於時擢在佐
曹俾之駁議旋以言動小有過差左遷遠
藩亦聞有政雖經三黜僅歷二紀而堅直
之氣終然不渝人之所難亦足嘉尚宜可

永任下百使
馬不直作正

永任下百使

東帶立之于朝正色謹言時有所取俾登
西掖仍珥右貂從容前後以備顧問

除裴武太府卿制

聚九州之賦辯百貨之名按其度程謹其
出納孰為主者外府上卿務殷秩崇不易
其選某官裴武有通敏之識有倚辯之才
以茲器用早膺任使小大之務罔不勵精
累有勤績存乎官次而受藏之府國用所
資若非使能何以集事俾昇顯列仍委劇

盧云辯當作辨
通辨

馬不昇作陞

務爾宜率其官屬欽乃職司會努藏出入
之要修權量平校之法以遵成式無使改
易謹而守之斯為稱職

白氏文集卷第三十七

言部亦所罕登

110X
430
30